

Saedcej Seiziq Vaiqvued

快乐的童年时光

Saedcej seiziq dinjded, hoeng cungj miz song sam gienh saeh lumj fatseng youq ngoenzlwenz nei.

Geiq ndaej mwhde gou lij hwnj youwzyenz, gou daegbied gyaез youq ndaw hongh ranz daxdaiq guhcaemz, boenz gyaеq-gaeq, gaeb duzmoed…… Doxgaiq guhcaemz geq cungj geq mbouj caenh.

Miz baez ndeu, daxmeh soengq gou daengz ranz daxdaiq, gou mbat ndeu couh yawj hwnj aen raengzgaeq. Cij raen ndaw raengzgaeq miz geij aen gyaеqgaeq luenzlulu, gou sikhaek couh siengj aeu. Yienghneix, gou buet haeuj ndaw ranz aeu geij naed haeux daeuj vanq youq gwnz dieg, gyoengq gaeqmeh raen le da cungj heu lo, coemj gvaqdaеuj ciengj gwn. Dingq daxdaiq gangj de gaenq geij ngoenz lumz gueng gaeq lo. Swnh gyoengq gaeqmeh ciengj gwn, gou laeglemx haeuj ndaw raengz aeu geij aen gyaеq couh yaek buet, cingq youq mwh gou caeg riu, duz gaeqmeh ndeu coemj gvaqdaеuj, gou siengj buet cungj buet mbouj gib lo. Gaeqmeh da daengx gou, hwk dwk gou hanh cungj conh lo, de vaiqvuet coemj daengz baihnaj gou, aeu aen bak soemset de dot gou, in ndaej gou hemqyaya, doeklaeng dwg daxdaiq okdaeuj gouq, gou cij deuz ndaej okdaeuj. Daj mwhde hwnj, gou moix baez byaij gvaq henz raengzgaeq, gou cungj lau dangqmaz, lau duz gaeqmeh lawz youh coemj okdaeuj dot gou.


Lij miz baez ndeu, gou ndaejdaengz geij aen gyaеqgaeq, ndwn youq henz loh cingq siengj gijmaz. Ndaw uk fwt siengj daengz: Dwg mbouj dwg gou dwkvaih aen gyaеq, gaeqlwg dwggyaez couh okdaeuj lone? Siengj

daengz gijneix, gou sikhaek dawz gyaеq gveng roengz dieg bae, “gaeqlwg dwggyaez yaek okdaeuj lo!” Gou sing hung hemq sing ndeu. Hoeng ndaw gyaеq byaij okdaeuj haenx mbouj dwg gaeqlwg bwn yungzyubyub haenx, cix dwg gij raemx niunwk henjrwg. Geizheih lo, gaeqlwg ne? Doeklaeng gou cij rox, laxlawz faeg gaeqlwg dwg yaek aeu itdingh dohraeuj caeuq seizgan.

Caenhguenj gij saeh neix gaenq gvaqbae haemq nanz seizgan lo, caenhguenj mwhde deng gaeqmeh dot ndaej hemqyaya, caenhguenj gou mbouj hawj gyaеq faeg ok gaeqlwg, hoeng doengh gij saeh mizyinx neix couh lumj fatseng youq ngoenzlwenz nei, seizneix siengj hwnj cungj dwg vaiqvued!

Duenh saedcej seiziq vaiqvued neix, yaek baenz gij dauqngeix cei q ndei gou.

(Gyanghsuh Suhcouh Swhsanh Siz-yenz Siujyoz Cwnz Yijdungz)



Gou Gouz, Gou Muengh

我祈祷, 我渴望

Gou gyaез moix ngoenz yanghaet. Singgo rwenz-rwz duzroeg heuh gou ndiu daeuj, byaengq lwgda moengzloengz, ndit yanghaet ronghsag, rumz iq liengzsangj, hoengheiq singjsien, vih gou hainduj ngoenz gyaеundei ndeu. Youq daxgoeng daengngoenz coi gou lajde, gou hainduj lienhdang lo: Swix sam gien, gvaz sam gien, aen hoz niujniuj, aen gyaеuj bibi, yawj byoemheu gou geijlai mwn; ietiet ndang dikdik ga, gaenxguh diemheiq hung, yawj ndang gou geijlai maengh……

Gou gyaез moix ngoenz banngaiz. Daxgoeng daengngoenz fwngz raeujrub lumh gyaеuj gou, hawj gou ndaejdaengz naengzliengh yungh mbouj caenh. Daxmeh daihdeih dawz yingzyangj fungfouq soengq hawj gou, sawj gou ndaej haenqrengz maj ha maj ha, gangj mbouj dingh ngoenz lawz, ndaej caeuq fwjhau doxbungq ne. Noucoengz diuqbeiz youq gwnz ndang gou saet bae saet dauq, lumj bang gou gaeu humz, youh lumj bang gou nyaenxdang, cwxcaih dangqmaz! Roegvameiz, roegvenz, roeggacak, doengh gij roeg neix, mbouj dwg cici caca ciengq mbouj dingz, couh dwg bubu gyaep bae gyaep dauq. Laegraeh lai lo! Mboujgvaq, noix doenghgij lwg diuqbeiz neix, aen ndoeng hunggvangq neix couh mbouj yienghneix hoenghhwd lo! Duzndwen gaenxgyaek nyaengq byongh ngoenz lo hix mbouj haengj yietnaiq, lij gaenxgyaek bang gou soeng namh.

Gou gyaез moix ngoenz vaiqhaemh. Daxgoeng daengngoenz bienqbaenz boux canghdajveh ndeu, de dwk boek aen buenzdiuzsaek, aeu ndoengfaex nyumx baenz hoengzhoengz henjhenj. Byoem gou bienq lo, lumj fouzsoq duz cinglingz iq youq gwnzde diuqyat, yubyab gij rongh mumjgyumq; va laj din bienq lo, buhraiz gyaеundei vuenh le geu youh geu, lumj youq gwnz daiz biujyenj nei; diuz rij henz gou bienq lo, raemxrij yubyab saek henjnding lwenqda dangqmaz. Mbouj dwg bw, de mbouj dan cij dwg gij saek neix, lij miz ndaw saeklamz daiq miz saekmaeq, ndaw saekheu myigmyanz saekgim…… Haujlai saek gangj hix gangj mbouj okdaeuj.

Gou gyaез moix haemh yanghwnz. Noucoengz, roegvameiz, roegvenz, roeggacak cungj haeujninz lo, ndaw ndoengfaex caemdingh haenx, yaeng' yaeng cienz daeuj singgo ndeidingq, haenx itdingh dwg yozdui ndaw ndoengfaex cingq danzciengq, rag siujdzgizn haenx dwg daekdaeq, danz gizdah haenx dwg daekgaeuj, lij miz boux roq gyong dwg duzgoep…… Yinhyoz gyoengqde gaenq dwg ndaw saedcej gou bouhfaenh noix mbouj ndaej ndeu.

Gou dwg go faex ndeu, go faex bingzciengz ndeu. Gou gouz, vaiqvued gou ndaej daiq hawj sou vaiqvued; gou muengh, angqyangz gou ndaej ciengxlwenx gyaenanz……

(Fuzgen Swngj Anhhieh Yenz Daih Cib' it Siujyoz Dungj Gyahyah)

Go Faexyehswj Gyaеundei

美丽的椰子树



Youq Haijnanzdauj gyaеundei fouqmiz haenx, gizgiz cungj maj miz go faexyehswj.

Faexyehswj sang' vid sohswd, ganj-faex sohswd de roengzrengz daemx hwnj genfwngz de, nga' mbaw gwnz ndang de iet okdaeuj haenx couh lumj duz byabetcauj gou youq ndaw dungvuzyenz yawjraen haenx, de heux giz cungq-gyang ndeu, seizbienh maj iet okdaeuj. Ganjmbaw faexyehswj raezrangrang, lumj

gaiq beizbyoij Dezsang Gunghcu j nei, deng geuz daj song mbiengj raed baenz haujlai duenh.

Haujlai faexyehswj gwnzde cungj venj miz makyehswj. Makyehswj luenzlu, heuyau, hunghwd. Haujlai aen makyehswj comz youq doxcaez, nauhyied dangqmaz. Raemx ndaw makyehswj gwn ndaej bw, raemx de cingdiemz ndeigwn, dwg cungj raemx seizhah gej hozhawq gig ndei ndeu.

Gou gig gyaез faexyehswj, gyaез de daengjsoh, rengzrwd bongh hwnj gyangmbwn bae!

(Vazdungh Swhsan Dayoz Suh-couhvanh Sizyen Siujyoz ngeiz nienz-gaep Liuz Ciciz)

